

BESTELAKO XEDAPENAK

LURRALDE PLANGINTZA, ETXEBIZITZA ETA GARRAIO SAILA

5917

EBAZPENA, 2021eko urriaren 27koa, Garraio Azpiegituren zuzendariarena, zeinaren bidez jendaurrean jartzen baita «Bernabeitiako trenbide-pasagunea kentzeko eraikuntza proiektuak» ukitutako ondasun eta eskubideen zerrenda.

2021eko uztailaren 26ko Ebazpenaren bidez, «Bernabeitiako trenbide-pasagunea kentzeko eraikuntza proiektua» onetsi zen.

Proiektuak gaur egun N-634 errepidean Amorebieta-Etxano udalerriko Bernabeitia auzotik igarotzen den Bilbao-Donostia lineako 27+042 KP-an kokatuta dagoen trenbide-pasagunearen gainetik pasabide bat egiteko beharrezkoak diren obrak zehazten ditu. Modu horretan, erabiltzaileen segurtasuna handitzen da.

Gaur egun, sakabanatuta dauden hainbat lursail eta etxebizitzetarako oinezkoen zein ibilgai-luen sarrera da trenbide-pasagunea.

Lursailak lortzeko eta ukitutako ondasun eta eskubideak kudeatzeko, proiektuak ondasun eta eskubide horien identifikazioa biltzen du. Horretarako, desjabetzeen eranskinean ageri dira lurzati-zen zerrenda eta planoak.

Organo honek eskumena du garraio-azpiegituraren arloko jarduerak betearazteko beharrezkoak diren desjabetze-espedienteak izapidetzeko, Eusko Jaurlaritzako Lurralde Plangintza, Etxebizitza eta Garraio Sailaren egitura organikoa eta funtzionala ezartzen duen urtarrilaren 19ko 11/2021 Dekretuaren 16.2.c) artikulua xedatzen duenaren arabera.

Trenbide sektorearen irailaren 29ko 38/2015 Legearen 6.2 artikulua xedatutakoaren arabera, beste lursail batzuk erabili beharra dakarten trenbide-lineen proiektuak, horien tartekak edo tren azpiegituraren beste elementu batzuk eraikitzeke proiektuak edo lehendik zeuden azpiegiturak aldatzeko proiektuak onartzen direnean, onespenez berekin ekarriko du onura publikoaren edo gizarte-interesaren deklarazioa, lursail horiek okupatu beharra izatea eta okupazio hori premiazko-tzat deklaratzeko, ukitutako eta identifikatutako ondasun eta eskubideen nahitaezko desjabetzearen ondorioetarako.

Nolanahi ere, proiektua onartzeak inplizituki berarekin dakarren arren proiektuak ukitutako ondasunak eta eskubideak okupatu beharra, Nahitaezko Desjabetzeari buruzko 1954ko abenduaren 16ko Legearen 17.2, 18 eta 19.2 artikuluek ondasun eta eskubide horien xehetasunak jasoko dituen zerrenda egin eta jendaurrean jarri behar dela ezartzen dute, nahi duenak alegazioak eta datuak aurkeztu ahal izan dituzan, okerrak zuzentzeko eta interesdunak zeintzuk diren ondo zehazteko.

Hortaz, aipatutako xedapenak, horiekin bat datozenak eta aplikatu beharreko gainerakoak ikusirik, honako hau

EBAZTEN DUT:

Jendaurrean jartzea «Bernabeitiako trenbide-pasagunea kentzeko eraikuntza proiektuak» ukitutako ondasun eta eskubideen zerrenda, ebazpen hau azken aldiz argitaratu eta hurrengo

2021eko azaroaren 22a, astelehena

hamabost (15) egun balioduneko epean alegazioak aurkeztu ahal izan daitezen, okerrik baldin badago zuzentzeko, hala ezartzen baitute Nahitaezko Desjabetzeari buruzko 1954ko abenduaren 16ko Legearen 19.2 artikulua eta horrekin bat datozenek. Alegazioak Lurralde Plangintza, Etxebizitza eta Garraio Saileko Garraio Azpiegituraren Zuzendaritzan aurkeztu beharko dira (Donostia kalea 1, Lakua 1, 01010 Vitoria-Gasteiz).

Aipatutako epean, ondasun eta eskubideen zerrenda Amorebieta-Etxanoko udaletxeko iragarki-oholean ere erakutsiko da jendaurrean.

Honen berri ematen da, denak jakitun egon daitezen.

Vitoria-Gasteiz, 2021eko urriaren 27a.

Garraio Azpiegituren zuzendaria,
MARÍA DOLORES DE JUAN DE MIGUEL.

2021eko azaroaren 22a, astelehena

ERANSKINA

Finka zk.	Katastroko erref. eta udalerrria	Jabea	Eragin mota (m ²)			Izaera
			Erabateko desjabetzea	Zortasun iraunkorra	Aldi-baterako okupazioa	
001	003-022-120 Amorebieta-Etxano	Jose Ignacio Gorroño Ercilla y M. ^a Luisa Zugazaga Arauco	376	10	802	Belardia
002	003-022-003 003-022-137 Amorebieta-Etxano	Jose Ignacio Gorroño Ercilla y M. ^a Luisa Zugazaga Arauco	770	5	267	Belardia
003	003-022-004 003-022-137 Amorebieta-Etxano	M. ^a Victoria Maiztegi Zuazo y Hdros de Julian Aguirrezabal Gallastegui	3.266	-	3.227	Belardia
003 KULT		Elisabet Aguirrezabal Maiztegui				Belardia
004	003-021-122 Amorebieta-Etxano	M. ^a Victoria Maiztegi Zuazo y Hdros de Julian Aguirrezabal Gallastegui	-	8	55	Belardia
004 KULT		Elisabet Aguirrezabal Maiztegui				Belardia
005	Camino Amorebieta-Etxano	Ayuntamiento de Amorebieta-Etxano	75	261	302	Bidea
006	003-021-221 Amorebieta-Etxano	Jose Ignacio Gorroño Ercilla y M. ^a Luisa Zugazaga Arauco	-	17	17	Berdegunea